

真人隱此亦禱雨有應是潭多生香魚鮒魚鮒魚
嚮日而朝香魚惟温台間有之

柳斜潭

亦名已酉瀨海潮至此

沙潭

潭水清澈有蛟潛焉

廟山潭

潭中石洞研然漁人常見之疑神物所居

倒油灘

灘水清冽爲居人取以供餽饗

黃牛灘

西旁恠石狀如黃牛灘流甚急舟楫上下必獻楮
于灘神相傳灘神是邑人池道士

綠瑩泉

蘇陽南山澗小石研之色綠可取較書

錦屏井

泉出石匣中冬夏不竭

聖泉井

又名冽泉胡主簿鑿石得之

龜井

同書

卷之三十一 方域

七

崇

有石眼

龜鏡井

潮退泉滿漲則泉涸

帽頭井

虎井

在縣中上杭里泉出石罅宋淳祐中邑多虎患令

林子勲禱于城隍虎來死井傍

湖邊井

泉出石罅大旱不竭

卓井

在西門外陽頭井高溪下深僅四五尺而泉湧不

竭

龜湖井

龍井

一在仙境峯巔一在五馬峯下一在上治皆可禱

雨

寧德縣在州南東抵福寧西抵古田南抵羅源北抵政和唐感德塲偽閩寧德縣宋隸福州元隸本州

國初隸福州府成化九年復隸州凡三鄉七里二十五都統圖三十九

十安東鄉圖三十六

陵山里

文峰一都圖四

東山 山曰白鶴 碧山 金甌 星帽

二都圖一

山曰勒馬 梅溪 楊溪 仙茅 城灣 真龜 五馬

嶺曰飛鸞 巖曰萬石 潭曰棲雲 溪曰飛鸞 險峻龍潭

龍潭 峯曰瑞峰 黃灣 溪曰瑞峰 石鐘

三都圖一

四都圖一

石曰神仙硯 羅隱題詩 登龍 溪曰金溪 潭曰百丈龍潭 潭曰金剛 井曰廉坑

巖曰仙 石曰磨鏡 潭曰竹林龍潭 井曰龍江

五都圖四

山曰官扈 驢山 嶺曰隱仙 峯曰蘆坑

六都圖二

霍董鄉

水滌里

七都圖一

八都圖一

嶺曰埔嶺 石曰和尚

山曰白石 嶺曰獅子 山曰扈崎 洲曰琢王

臺灣國家圖書館, NATIONAL CENTRAL LIBRARY, TAIWAN, R.O.C.

方域 江宗

九都圖一

峯曰雙鷹

十都圖一

山曰龜山

十一都圖一

霍童里

十二都圖二

山曰霍童

巖曰鳳凰

十三都圖一

湖曰仙湖

湖曰呂公

青田鄉

東洋里

十四都圖三

山曰鳳山

洲曰柘洲

十五都圖二

嶺曰新嶺

巖曰燕窠

十六都圖二

嶺曰麻嶺

十七都圖二

峯曰玉屏

嶺曰高樓

十八都圖一

仙霞

巖曰顯聖

十九都圖一

溪曰五丈

感德後里

二十都圖一

潭曰瑞龍

山曰石堂

感德前里

二十一都圖一

安遠里

雙柱

峯曰石屏

臺灣國家圖書館, NATIONAL CENTRAL LIBRARY, TAIWAN, R.O.C.

三十二都圖一

山曰石碑 寶青 峯曰文筆

三十三都圖一

巖曰天湖 洞曰石室 石曰仙跡 湖曰金鐘

三十四都圖一

山曰白象 峯曰辰旗 巖曰午日 道者

三十五都圖一

洞曰羅漢 穹窿 溪曰穹窿

三十六都圖一

潭曰午日 龍潭 潭曰望仙 龍潭

三十七都圖一

巖曰望仙 潭曰望仙 潭曰望仙

三十八都圖一

潭曰望仙 潭曰望仙 潭曰望仙

西鶴山而東瑞峯北星帽而南海潮其形勝也

山

白鶴山

縣主山脈起白巖南連飛鸞嶺北接蓮花峯因仙

鶴來集得名上有白鶴峯有白鶴嶺百折盤空山

起人面雲生馬頭此嶺當之嶺半有黠井味極甘

美先是宋樞密曹輔為縣尉創亭嶺上欲引泉以

飲行渴念頭初動泉忽立湧遂甃為井初名應泉

又名曹公泉峰北有白鶴巖懸岨空洞泉澗清冽

舊為龍湫中有靈谿書院宋趙與損題白鶴巖詩

六丁開兩壁不知始何年中開一空洞可張幾客

筵峯南有南山際內有白巖洞祀馬大三女仙祈

雨多應邑人謠云白巖洞深復深女仙跡何處尋

山前後火流金神來惠我三日霖

碧山

在郭外為縣治拱向諸縣治皆南向獨此縣向東順山勢也

東山

麓有東山宮宋寶慶初道士張志諒所建將建時遇白玉蟾經過止宿告道士曰此霍童洞天止氣振基當有玉石之信果得石魚石龜

金甌山

海中山也又名覆釜與酒嶼猿毛嶼大小金崎橄

欖嶼聯絡海中為縣治羅城

皇朝邑人林

尹詩遙望金甌泛水心潮來潮去不浮沉漁舟載酒歌明月笑入蘆花何處尋

梅溪山

前筆峯而後屏山鸞江潮汐遶其下其相屬者曰勒馬山東接飛鸞南俯大海前峯回拱狀如勒馬為縣學案山宋社將屋邑人姚國秀作詩有疇昔何來此青山與白鷗絮飛春不去潮至月頻留之句其輔山曰金臺

仙茅山

周書

卷之三十一 方域

七

有

舊傳茅仙兄弟煉丹於此有虛土堆擊之有聲曰
神仙土鼓石辣椒實生山頂

楊溪山

城灣山

回環如城四際皆海內有南北冲三粵可聚萬人

直龜山

四峯壁立中有一石如龜馮巖左頤

瑞跡山

迤山有虎溪橋荔山嶺卧龍津龍門關望源石日
中潭錦屏障通仙徑

石鐘山

脉連石壁嶺頂有二石如鐘扣之有聲石壁嶺有
黠井焉泉出巨石中湧冽其美

官扈山

地勢坦舒土壤沃饒

騶山

峯巒秀拔形如驊騮奔馳入海之勢

白石山

扈崎山

濱海山也山下有三江洋三渡洋官井洋官井洋

邑設哨兵於此防盜

龜山

唐蔡柳二師携鐵鉢銅瓶徧尋幽勝止於是山作寺以居談禪往復心融悟道三山志智具禪師揚州柳氏子正源禪師宣城蔡氏子唐長慶二年同遊建州太和中州法曹叅軍楊郁及霍童里人黃瑜等邀請建寺從之逢龜而止名寺龜山武宗汰僧以偈示衆勅命如雷下翠微風前垂淚脫禪衣雲中有寺不容住塵裡無家何處歸後終本山宋建炎中寇至二師大布顯靈化強爲善後謚柳師

皎寂大師謚蔡師性空大師寺前有金鷄巖滌山寺寺在中滌自龜山分支兩峯對峙飛泉中注爲三派山當飛泉之中故曰中滌唐乾符中祖師如珣印證蔡柳二師頓悟上機遂建此寺又金衣仙人亦與如珣會聚此山有洞曰金仙洞金衣仙人見下唐天成三年僧紫筠刻石記云中滌山百丈飛泉鳴雷樸雨千尋恠石蔽日藏雲中和五年前關隸營使陳飛遠與僧清彥共申聞觀察使陳崑鑄鐵鐘一口存

金郡山

唐大中中有僧居白者至山中遇異人告曰此地可居是夜祥光見其處就視之得金尺遂以大中八年剏寺其後圓軌禪師惠寺左瞰深坑一夕雷雨裂後山半平其基乃拓殿堂堦墀俱備寺有十竒曰盤陀石靈響石烏馬石潛鱗沼雙石屏碧水簾湧金尺蒙泉井長老巖祥雲巖祥雲巖亦曰五雲巖以有五色雲見

霍童山

在縣北七十里天下三十六洞天霍童其第一也按霍童神山姓名周時居此山道居仙首上帝宴

會籙天下洞天福地還奏爲第一雲笈七籤三十六洞天在諸名山之中皆上仙所統治霍童山係第一洞天高三千四百丈洞週迴三十里名曰霍林之天鄭思遠韓衆許瑛三真人爲司命真君所理白王瞻云此山週環九十九峰諸峯俱備名著者三十六景勝者四十八唐天寶中名山仙遊闕時封爲東嶽山四十八景曰大童峯峭壁凌空產松檜毛竹中多紫氣頂有仙踪丹竈曰小童峯在大童峯西高亞之傍有仙井泉極甘冽曰紫磨峯在霍童曰紫芝峯在大童南宋大中祥符五年產

紫芝十五本高丈餘因以名峯曰蓮花墩在霍童
文嶧十里許有仙蓮荷花開時十里五里或彼或
此初無定在或出洞天上或出田中花大如箕
奇艷異常紫莖屈曲而上或十年一出出則田鄉
大稔又有塘湖亦時生五色蓮花曰雙髻峯在
霍童上兩峯並峙後有葛仙翁巖或云葛洪或云
白玉蟾也上有丹爐竈曰馬鞍山形如鞍也曰九
仙峯在邑嶺上上有九仙庵庵初成時有九客借
寓旦化九鶴去曰仙菜坪在霍童山北舊傳有仙
橋懸空架此山二仙童持菜籃從橋過有老嫗洩

之二橋遂斷因名其地曰拆橋坪曰仙菜曰飛來
峯在普薩峯左舊有太湖黃諫議指塞之諫議名
菊隋時爲諫議大夫諫隋帝不聽遂尋閔苑之遊
來抵霍童見其地廣衍遂起明農之意鑿斷龍腰
通太湖水揮指飛來峯塞水口下鑄鐵牛三鎮之
曰玉女峯在紫峯左與金仙塔對峙後有石筍高
數丈曰筆硯峯三峯突起如筆架曰菩薩峯在霍
童山南頂有天燈夜現曰香爐峯在鉢盂山左司
馬承禎修煉之處而李太白時訪之承禎以十月
十四日乘青騾飛昇此山之上按唐書承禎字子

微博學能文攻篆迴爲一體號金剪刀書隱天台
王霄峯自號白雲子有服餌術則天累徵不起虜
宗雅尚道教屢加尊異承禎方赴召睿宗問陰陽
術數之事承禎對曰老子經云損之又損以至無
爲且心目所知見損之尚未能已豈復攻乎異端
而增智慮哉睿宗曰理身無爲則清高矣理國無
爲如之何對曰國猶身也老子曰留心於淡合氣
於漠順物無爲乃無私焉而天下理睿宗深賞異
之無何告歸山玄宗時累徵到京留於內殿問延
年度世之事承禎隱而微言玄宗亦傳而秘之承

禎年一百餘歲童顏輕健若三十許人一旦告第
子曰吾自居王霄峯東望蓬萊常有真靈降駕今
爲東海青童君東華君所召必須去人間俄頃氣
絕蛻然解化今云青騾飛昇未知其詳豈霍童郎
青童耶李太白從承禎遊承禎謂其有仙風道骨
可與神遊八極之表白詩云家本紫雲山道風未
淪落沉懷丹壑志冲賞歸寂寞竭來遊閩荒捫步
涉禹鑿黃綠泛湖海偃蹇陟廬霍曰卓筆峯尖聳
秀拔古識云金釵斜插地文筆倒書天曰右弼峯
在霍童右曰左弼峯在霍童左仙經云茅君爲左

弼仙鄉韓衆爲右弼仙伯今霍童山有左右二弼
峯世云茅君爲三天都尉常會群仙於此是爲石
仙壇壇生龍鬚草旁生竹一枝遇風搖動能自掃
壇壇西南有石甕貯水色白味極嘉有石廊三十
餘丈石室盈丈曰羊厨峯以形名曰展旗峯在支
提南西鄉諸山皆本於此曰一劍峯在霍童左尖
削插空呂洞賓題詩有劍峯割斷名利關之句曰
那羅巖在葛仙巖西華嚴經云一名陀羅延窟中
有石室數十丈可容數百人寺建石室之內頂石
如彈搖之則動祈嗣者祝彈爲應莫不如響曰煉

丹巖在昇仙峯左有司馬承禎搗藥曰曰鳳凰巖
黃諫議菊有二女曰丹鳳曰赤鳳俱在巖中昇仙
曰搗米巖在煉丹巖側上有搗米曰曰懸鐘巖在
霍童山上員下大高數十丈曰合掌峯在霍童西
曰獅子巖在霍童左宋陳石堂先生所居主山也
曰響山巖在霍童左兩巖對峙人語響應龍鬚之
草生焉曰霍林洞唐乾符時有金衣仙人修煉於
此後入中滌與僧如珣說法談玄靈光夜見金衣
授如珣修真之訣曰赤城洞與霍林洞並在霍童
山中曰蝙蝠洞在響山巖右洞多蝙蝠曰支提山

華藏寺去霍童二十里寺前有五龍潭禱雨神應
按華嚴經東南有處名山號曰支提從昔以來諸
菩薩衆於中止住現有菩薩名曰天冠與其眷屬
諸菩薩衆一千人俱常在其中而演說法山在霍
童萬山中週迴數十里茂林蔽日古木生班四面
拱翠絕無烟火東瞬高蓋山西接那羅延窟南入
化成林界北距紫芝峯常有祥雲覆其頂時夜放
光現未常有經云天下有五法界天地水風火茲
爲天界云考舊志唐高麗僧曰元表者歸自西域
領心王菩薩之旨以東南震旦支提千天冠演法

於中可負我華攔木函華嚴經八十二本去隱那
羅延窟以候之元表如命勇往開誦聲聞爲樵者
所覺閩僧元白知之支筇搜竒訪元表告以借龍
潭地卓庵元白發如是願隨感龍衆湧沙塞淵成
基得蓮臺九座元表以經授之而身在碧雲端矣
時經藏巖竇乃抵甘露邀都尉寺二僧以迎歸狀
其事於吳越閩王是爲此山初始也宋開寶四年
辛未吳越王錢俶翻閱華嚴經因詢菩薩住處大
會高僧無能知者惟靈隱了悟禪師清聳即從法
座起道所以然隨遣若干人俱夜到山下之小支

寺明尋鐘聲而進白猿導前越三日入林中松溪
摩洞抵龍井迤邐至晚宿一大刹殿閣崢嶸衆盈
萬指扁書今古佛大華嚴之經既曙依稀處林莽
間所見者天冠千軀金燈四耀潛化成寺清聳還
報錢王捐金建寺鑄天冠一千身航海送來中遇
颶大作舟人以半沉水及抵寺其半投水者已先
至矣故老相傳舟未至時鄉人望有冠蓋輝煌鱗
次登嶺若傀儡然後乃覺爲天冠也今沿呼爲傀
儡嶺而寺旁有晒衣臺則天冠沉水者先期曬衣
其處迄今片草不生其異如此寺皆錢王矩度壯

麗異常時封此山爲東嶽勅賜祐國記室禪師住
持未爲山鎮宋淳化元年宸章寶函罷錫凡四自
景德至皇祐皆有賜政和間以帥書黃公裳之請
勅改政和萬壽禪寺額繇是雲衲林會爐鞴大開
矣天冠威德不可思議人不辭勞辦香冥叩如響
斯荅聖鐘鏗鳴瑞燈燁煜以志心求者每示現焉
相傳政和間福州人李舒長謁天冠千佛行深山
登奏洞無水盥手方折草按莎忽一人持銅盆盛
水奉之又進手巾見其手青面白舒長不覺其異
顧之而笑其人亦笑已不見云胡元末寺燬廢

皇朝末樂初遣中使周覺成鼎建勅名華嚴
寺立田十六頃四十餘畝齋衆祝聖嘉靖中寺燬
田廢萬曆元年吉祥寺僧大遷雲遊至是夜見天
冠放大毫光奇之遂鳩財重建田亦稍復二十七
年 孝定太后鑄錄金毘盧古佛遣張中使
齋鎮其寺賜大遷千僂紫衣三製中使至焚香和
南虔禱天燈期以復命居三日內夜有燈熒熒從
化成林東而下寺衆遙集奏大法鼓迓之須臾復
變爲三良久乃沒次夜復大放無量百燈錯落木
末如晝中使羅拜加額大喜歸報二十八年

神宗復遣中使齋經一藏御杖龍幡來鎮寺中
閩巡撫趙參魯以山中曠絕恐惑衆生亂請于朝
奉遷御杖藏經于會省宋大梁王平國詩群峯翠
擁古禪關夾道松篁五月寒欲識天冠真隱處白
雲架頂鎖金壇玉簿陸游詩高明每慣習鑿齒巨
眼適逢支遁林共語不知紅燭短對床空嘆白雲
深現前鐘鼓何曾隱匝地毫光不用尋欲識天冠
真面目鳥啼猿嘯總知音曰說法臺在辟支巖側
云天冠說法處也臺產蘭蕙多檜栢其上廣平可
坐千人曰袈裟臺即曬衣臺廣數十丈曰雪花林

松栢奇勝曰成化林在金燈峯左常有天冠說法
其中紫雲覆蓋靜夜有天燈隱現九里許多產松
檜間有白髮異人出入 皇朝萬曆間有匠

石四五人市木於支提僧方結寮開斧忽有老僧
從一道士至寮阻之曰此吾木也轉盼失之匠石
驚駭罷曰五龍潭在化成林南五潭聯絡相接其
一名青龍潭潭水旋入巖中時起雲霧次名洗心
池澄清徹底三名千佛沐浴池瀑布懸瀉潭形如
荷葉湛然不動 皇朝萬曆中僧性吉於潭

側誦大悲呪誦方四遍水忽騰沸頃之有龍振鱗

天矯波面腰彎若弓首尾隱於驚浪飛濤中不可
得見吉大駭喧呼金燈精舍僧咸出視之良久乃
奮飛雲表其下二潭巖石崎嶇人跡罕到曰棋盤
石在仙壇之上曰三品石石色青紫曰桃洲峽在
鶴林宮東一里唐有此洲桃花甚盛至宋不衰曰
雲錦屏在飛來峯左曰仙石橋在石壇東橫跨澗
上有石盤石盂玉鏡碧色鵲毛香爐皆天成也曰
甘露寺梁天監初有僧法權法群二人來山下飲
甘露坑泉遂白日騰昇人建寺曰甘露寺有九寶
金鐘閩王審知所鑄聲聞數里外則天必大晴曰

瀑布泉曰玉露井在小童峯前水極甘冽或曰海
輶井也井中鱗甚巨或時出井弄水久雨必晴久
晴必雨曰仙巖寺在仙石橋之上曰辟支巖在古
木巖右景極幽勝巖下寺辟支佛所棲辟支佛闍
生佛也二月三日降生巖前生成五百天人石上
生成石龜石桃能生能落曰鶴林宮在霍童村褚
伯玉修真之地伯玉盥官人東晉時居南霍遊行
諸山上虞吳曇授許椽書西嶽公禁土符許椽為
上許椽
主簿
書也及楊書中黃制虎豹符楊羲所書也興寧乙
丑年真降受真誥
凡二短卷常帶白隨至梁大同二年正月元日駕

鶴登天賜號鶴林此外修真之士則又有趙昞鄧
伯元王玄甫許碯馬湘程公姚道人尹道人湯公
馬仙姑姊妹云昞碯馬仙姑已別見伯元吳郡人
玄甫沛國人真誥稽神樞王鄧二真人學道霍山
受服青精石飯食白霞丹景之法用思洞房以來
積三十四年乃內見五臟冥夜書東晉興寧三年
乙丑歲正月五日天帝遣羽車下迎二真人以其
日乘雲駕龍白日登天今在北玄府受書位為中
嶽真人湘字自然盥官人南遊霍童宿山下投宿
者衆主人戲言無宿處湘曰我坐到明衆客皆睡

湘躍身梁上衆客於火光中見之驚異曰梁上猶能睡得壁間不可攙入湘遂攙入壁衆客祈謝移時乃出入山駐泊唐大中十一年飯家尸解明年復來此山上昇程公縣之二十三都人煉真山中端午日入午日巖忽然輕舉姚道人邑之二十三都人修真道者巖丹成霍山羽化尹道人湯公俱縣之外渺人同學法閭山道人得法精高湯公逐之道人鞭石入霍童後遇異人授以仙訣遂仙

鳳山

卓立萬仞旁分兩翼如鳳飛上有鳳池聖僧巖昔

羅漢聖僧現其中紫雲繞繚音樂騰沸又有虛石巖八面玲瓏又有卓錫泉相傳僧湛庵卓錫所出

石堂山

有石窟如堂上有嶺道通古田嶺下有塘名石塘清泓可鑑宋儒陳普所居地也石堂主山則唐山左有石屋山又有雙柱峯

石碑山

多石少木石皆溫潤山前有石如碑碣其西曰寶

青山

碁盤山

地極幽勝上有仙人坐卧影跡及碁盤石

白象山

形如象三台後峙環溪前繞清流瑩澈堪輿家謂之白象飲湖

蓮花峯

俗呼金字峯邑勝槩也

星帽峯

林木蕃茂谿谷幽夔與白鶴瑞峯皆爲縣治形勝亦名展誥峯

白馬峯

五馬峯

縣捍門山也五峯列峙如馬縣南諸山則馳海頭而五峯獨高

玉女峯

在縣城正南四傍小山森羅一峯突起如玉女亭亭似武夷矣前有茶園後有石笋高數丈

瑞峯

海中山也秀拔萬仞與白鶴峯對峙韓董二仙修煉于此丹井碁枰之屬猶存又有高山黃灣峯皆與此峯並高而高山崖有千尺之瀑

臺灣國家圖書館 NATIONAL CENTRAL LIBRARY, TAIWAN R.O.C.

蘆坑峯

上多仙跡石峯屹立如劔戟二水夾流境極幽勝

雙鷹峯

王屏峯

在塵洞嶺二峯秀拔上豐下斂殊狀奇崛

石屏山

上有仙翁巖相傳葛仙因大旱登巖巔心念捨軀
祈雨忽有紫雲擁出沛雨三日

雪重峯

登其巔海上歷歷中有石洞容十餘人歲有鼓聲

可卜豐稔

鐘峯

下有大湖曰鐘湖水深莫測魚龍宅焉相傳有金
鐘自湖中飛騰而去

飛鸞嶺

與勒馬梅溪諸山一脈走羅源道也其東峯百丈
滌名飛棲雲龍潭潭有龍宅焉唐黃岳家此峯之
下岳博通經史尤邃易象曆數之學唐末繇鄉貢
入太學巢寇入閩避地者無所衣食聞岳勤施從
之如歸乾寧中王審知屢辟不就審知既竊王號

必欲起岳岳投潭死邦人哀之立祠祀焉宋封岳
忠烈王今號爲忠烈仙潭岳死時父母妻子二弟
一白犬皆赴水死僞閩使者崇舒趙田四人亦死
今皆肖像祠中使者必其來召岳者也嶺下有萬
石巖巖如室可容數百人中有石竈石井石床旁
有石舟兩崖之間有石橋橫跨

隱仙嶺

地名冲裡中有石室號鬼洞年豐則鬼嘯
皇朝有彭翁者有其山翁醉行過嶺睡卧亭中群
鬼相語具燈燭送之遂扶翁以歸景泰二年也又

嘉靖中邑人會同令陳瑄記予以嘉靖四十二年
壬戌四月在筠竹坪蘇家夜方就寢下床人曰今
夜更鼓響亮予傾耳聽之正發插定更也是夜心
事悽涼亦不成寐聞其更更傳遞甚明至五鼓煞
插俱如譙樓然筠竹去冲裡十餘里鼓聲在百步
之內比予所親聞也

石壁嶺

在縣北一十里石壁峭拔高入雲霄

皇朝

林保童有誰信閩中險無殊蜀道難之句嶺上巨
石湧泉清冽嶺下有溪與瑞迹溪環繞里中謂之

雙溪溪傍有小山似龜故名龜嶼

哺嶺

下有東墻渡通寶豐銀場

新嶺

高者大新嶺次者小新嶺上有瀑布泉如懸河人過其下盛夏如秋元末有僧平麓者初居鳳山每見香烟飄飄西往乃隨其所之至此萬山之中群峯圍繞前有澗水清澈可照可濯於是夜坐其間隱隱有鐘鼓聲遂以至元五年建寺先是平麓禮鳳山雲衲為師會構佛殿諸徒分運木石平麓後

至為衆所呵及衆運至而麓所當運者業已先在寺中至正二年元日端坐石龕而化遺言十年一更衣迄今三百餘載幻身如故衆呼為方廣佛寺曰方廣寺

麻嶺

通政和壽寧二縣巡簡司設此其地有顯聖巖石室可容數百人有虎溪橋靈巖井醉經堂鐵羅漢虛涼閣石爐峯石塔及顯然泉天然池合本巖為十奇

萬樓嶺

仙霞嶺

仙人巖

巖中有雙掌印石痕深數寸又百步溪畔亦有仙跡巖上有雙仙掌及馬蹄跡對面山有仙人坐痕山下爲章灣

獅子巖

鳳凰巖

青巖

皇朝宣德五年七月督銀場太監周覺成至巖下今藥魚各溪煉巨石投水中爆裂俾魚驚出忽有道人來告曰一切蠢動咸有佛性乞減藥三分覺成不從但啗以豆腐菜飯食訖而去明日下藥各

溪魚蝦盡死中有大黃蜴剖其腹所食豆腐菜飯尚在覺成病劇恍惚見魚蝦無數索命遂死

燕窠巖

天湖巖

午日巖

高數百丈瀑布直下昔程公採藥輕舉處也

望仙巖

石室洞

歲早聞洞中有音樂聲必雨舊傳唐有異僧於此仙去

羅漢洞

洞對石壁嶺舊傳清秋之夜常有鐘聲遠揚曾有
樵夫深入忽遇行脚僧數十趨其後杳無所見旁
有羅巖

穹窿洞

巖洞玲瓏溪與洞皆以是名其山中有道者巖石
門石室昔有姚道人居此

神仙硯石

羅隱題詩石

在四都溪邊舊有羅隱留題跡今尚存添硯沼二
字

登龍石

皇朝弘治十年水漲金溪山墩崩去半中有兩石
相合摧流其一更一尚存中刻二字曰登龍字徑
方五寸

磨鎗石

相傳黃巢過此磨鎗跡深尺餘

和尚石

仙跡石

余家屋後有石如板高丈許厚尺許上有仙人武

琢玉洲

柵洲

水極險惡居人粥菹爲業

川

海

縣境水入海者三一自酒嶼繇金崎逕三江洋入于海一自三嶼前逕三洋渡合藍田水入於海一自嘯村港逕嘯門徑至白匏山通于海其海潮之水入於縣境者有五一支從南門溪入一從金鰲橋入一從藍田入一從東墻入一從金番入

飛鸞溪

在飛鸞嶺下源出羅源縣至三嶼右滙於海

外渺溪

源出政和界逕清巖甘露溪至銅鏡金番滙于海

金溪

源出古田縣入油溪逕羅源會百丈滌竹林潭至溪口村同出三嶼之左滙于海

五丈溪

穹窿溪

源出古田合周仙湖東流至溪又東爲定尾逕赤鑑湖而下滙于海溪盡處有石窟約圍十丈深不

可計曰天柱窟
環溪出古田合周山嶽
源出古田雙溪夾拱周圍會守隘溪逕天柱窟下
至埔源入于海

仙湖

在霍童又名堵坪湖隋諫議大夫黃菊鑿通溪水
長亘里許廣百餘丈溉田千餘頃皆為沃壤宋淳
熙二年有請佃者縣令儲惇叙詩咫尺天湖號堵
坪先賢曾此勸農耕若教一日歸豪右敢向黃公
廟下行

呂公湖

中多金鯉

周仙湖

在巖峯之上鄉田賴其灌溉昔有周仙於此修煉
白日飛昇

金鐘湖

相傳宋元祐間有樵者見金鐘浮水俄沒因名其
西曰鐘洋亦以此得名

東湖

在城東宋李澤民以山高水迅堤而湖之起附

馬塘歷酒喫聯金甌延岫至于藍岫繇是旱澇有
備民號李公堤

水南湖

在銅鏡渚水不竭可資灌溉

赤鑑湖

一名西陂宋土民林圭與僧養譽築堤作堰以灌
田後陷于海宋韓世忠因平范汝爲特訪阮大成
過此詩萬頃琉璃到底清寒光不動海門平鑑開
波面一天淨虹吸潮頭萬里聲吹斷海風漁笛遠
載歸秋月落帆輕芍陂曾上孤舟看何似今朝雙

眼明

險峻龍潭

從石壁嶺沿溪而入勢極險峻

百丈龍潭

在菰洋下潭高百丈有二井緣崖攀藤僅到中井
宋時主簿丁大全旱禱令人下銀瓶乞水繩上得
瓦瓶大全疑之復造銀瓶躬往投之又得瓦瓶大
全祝曰神龍有靈吾後當貴幸示顯異潭中遂露
龍爪大全後登宰府奏封龍王

竹林龍潭

瑞龍潭

午日龍潭

在蕪坂姚溪尾蒙密不見天日惟午照及之禱雨有應

花洲龍潭

水深崖峻崖上鑿放生二字相傳洲上有桃花因水漲衝洲成潭

葛地龍潭

金剛滌

俗呼道士滌有石泉

定泉

在靈谿寺石深二丈旱澇不增減故

博濟泉

在銅鏡夏冽冬温

蕪坑井

龍江井

在章灣井水蒲溢明年必稔若不供飲汲則旱宋乾道元年邑大旱官民禱雨不應章灣士人阮元齡撰愬旱魃文齋禱龍湫大雨立至三日乃止是夕元齡夢黃衣使者來曰上帝命取愬魃文君請促裝元齡覺悟乃起齋沐錄其文而焚之明日遂

卒年三十五其文曰吁咄哉酷魃肆雷多歷時所

恒暘烈煇燥灼煦譬堪輿大於一高俎窮極萬

有羅致罔奔音舉百億魃屬悉持巨炬焚笈爍毛

箇簾皴皴箇末五切簾米古風伯嘒怨嘒音篆怨音戀不靡

也勸厥貪汚勸音盧動堰堦堦音課出入胥舄音舉

熿雲疾雷震赫時暑九泉焦而揚塵積荇燎而成

旌音舉乾流泉石之淵淵窘蛟龍而就妝音汝魚不鮮也

棗盛夷於蒿艾糠粃彌於稷黍民秣而願入音覽愁也

物妥而脯妥音俵落也倒懸不足以喻其急啗荼不足

以擬其苦乃割羊乃盃醕盃音醕乃鳴螺乃黻鼓

擊也乃登崇丘而臨吉土巫咸抑揚歌開降

汝魃百億于時虜虜濟濟衣冠盤辟俯偃亦有音

章彰我肺腑汝醉而歌汝樂而語巫咸受辭曰爲

我語我語諸甫無病斯旱無徒斯楚吾將倒天潢

而下流吾將擊滄溟而下霤音渝吾將瀉積石之

源吾將決常山之渚遲吾須臾百美俱美人皆汝

然歡聲嘖嘖閱日涉旬俯伏以佇石燕不飛商羊

不舞縱一瓢會不人意杼咄哉酷魃俟吾之舉嗟

魃爾來無念爾祖在昔帝乙孔仁宣王孔武戒五

事而嘉應未符率圭璧而寧莫我許春秋二百四

十二年屢書不雨歷漢涉唐其間循良之吏聰明
之主憂民重穀小心詡詡乃祖倂然悍如蝮蚊名
聲不祥談者孰數少而乳汝小子凶緒遭逢聖明
宜規宜矩如何不悛尤深鉏鉏音計計汝之辜當膏
鉞斧我骨不凡行跨飛霧叩之帝閭再拜覲縷帝
哀下民寧不震怒諒勅六丁撮汝驍鼠汝於斯時
雖悔何補言未及既有一旱豎犴然而來剖折合
古曰子儒者也言何妄吐洪範之書如日之忤恒
賜之罰繇僭之取方今上自朝廷下至郡府細及
黔民遠逮戎虜或專威福或司衡魁音汝倡優之辭

猥狃楚楚凡戩之居侈於禁御垂刀之和以來
阻於我何辜而蒙我啞音馮淫巫不信又何足與肯
彼之言疑我騰懼子殆未明耶主人未及應雲霧
滂然而去又 皇朝景泰三年邑人禱雨龍

湫疏文未善投之湏臾別浮片紙取視乃元至正
間禱雨疏也其文曰某等俯陳蟻悃仰瀆龍顏乞
鑒凡心願舒聖眼言念生居在世治本於農蒙天
地覆載之恩感雨露滋濡之德春耕夏耨敢辭塗
足之勤秋穫冬藏實切資身之望不期茲歲忽值
暵暘爰從九夏之初逮及三秋之始已經六旬不

雨忍見千里揚塵石燕停
商羊絕舞致泉源之
既竭慨旱魃之爲凶知作孽自我蒸民故降災實
繇上帝爰深修省特致禱祈虔取某月某時恭請
龍湫恪求聖水願施甘雨稍救枯苗伏願龍顏大
悅賜涓滴於金瓶龜折用消需滂沱於隴畝庸副
實栗之詠預占大有之祥垂祐我民迓續乃命某
等無任顛仰之至謹跪衆爲誦之湏臾大雨如注
何子曰予志山川而郡縣之劍立坊里之因革以及
古今賢豪託寄之蹤遊覽之詞與夫恢誕奇偉或有
或無之事莫不羅網亦或觀方採勝之一助也

贊曰閱見載籍昉自職方聖人之裔服此遙疆秦廢
爲郡入漢復王分爭寇敍遂致竄亡歷吳越晉吏置
官張以緯以經侈于隋唐閩越割據天統靡綱有宋
聿興益厚守章爰入我
明遠宅遐昌耀明被
景日出天光土壤間錯都里鬱望古往今來共此海
荒我志奇勝亦及荒唐何如鄒子曼衍無旁

閩書

臺灣國家圖書館, NATIONAL CENTRAL LIBRARY, TAIWAN, R.O.C.

十

閩書卷之三十二

建置志

福州

福州郡城自無諸開建以都冶曰冶城在今府治東北依山置壘據將軍山甌冶池稱形勝矣晉太康三年既詔置郡命嚴高治故城高謂故城隘不足以廣聚將移白田渡嫌非南向圖以咨郭璞璞指其小山阜曰是宜城城成璞爲記曰桑田爲海人事更改六旬甲子當見其害更重着衣周廻重載鄭國歸朝重關爲待鳥出水空千載不昧前有雙眉重施粉黛溪澗水來盡歸于海主揖其客客任主在穩首東日高

山鎮寨本自添金因成右兌但見蛇影莫知坐亥事
過方知知而未會龍山高山光照其代巧婦能裁得
令人愛若解修心得其終倍而籠放火聚集磊磊石
一老翁手把竹筒重添新宰在言不在銘曰泰康之
載遷插甌基四色牢城層巒三徑洪許南流瑞龍地
應其王螺女現對花峯千載不雜世代興隆諸邦萬
古繁盛仁風其城形狀如鸞似鳳勢氣盤拏遇兵不
饑遇荒不掠逢災不染其甲子消廢而復興其後人
又得二識其一得於城南釣龍臺石刻云晉大康
年太守嚴高圖越王山南之形勢以咨郭

山秀拔于前二山環峙于後八百年後大盛識曰石
間峯兀創危亭八百年前兆此名天降元精如漢佐
岳陶靈氣似周臣中坻不見容舫路古渡應無病涉
人好是蹇裳待今日疊浦坊中人挺生又其一南臺
沙合河口路通先出狀元後出相公疊浦坊地名河
東初郡人有詩曰疑是分開混沌初奔奇走秀兩相
於等閑開圃多栽竹行到人家盡讀書宴飲直嘗千
戶酒盤餐惟候兩朝魚九華坊頂真仙宅層浦坊中
出輔車者是也高之所城子城也唐中和觀察使鄭
鎰始修廣其東南隅先是開城南河有人得石記云

五百年城移東南本地合出連帥自太康至是適五
百年閩川名士傳以爲陳巖閩人爲連帥之應文德
元年陳巖恢其形勢甃之甃石王氏國閩復外築羅
城四十里梁開平三年復築南北夾城謂之南月城
北月城黃滔爲記公之築城也恢守地養民之本隆
暫勞永逸之策其名舉一而生三法陽數也曰大城
焉南月城焉北月城焉周圍二十六里四千八百丈
基鑿于地十有五尺杵土胎石而上上高二十尺厚
十有七尺外甃以磚凡一千五百萬片上架以屋其
屋曰廊其大城之廊也一千八百有十間自廊凸而

出之爲敵樓樓之層者二十有三又角立之樓六其
二者層復層焉皆欄干鈎聯參差煥赫而廊之若干
步一鋪又各以鼓而司更焉凡三十有六謂之更鋪
其四面之門八其南曰福安門福安之東曰清平門
西曰清遠門其西北曰安善門安善之東曰通遠門
其東曰通津門通津之北曰濟川其西曰善化門皆
鐵扇銅扃開陽闔陰門之上仍揭以樓三間兩挾兩
喻修廊雙面遠碧門之左右又引而出之爲之亭兩
間一厦又匪樓之門九曰暗門焉又水門三其二樹
檣篩波卸帆入舟鳴舷柳浦迴環一郊堤諸萬戶注

之以堰二渡之以橋九鏡瑩虹橫交舫走蹄斯大城之制也粵南月城也東貯九仙西盛烏石之二山嘉樹蓄雲茂草藏獸城上之廊一千有三間敵樓四十有九樓之層者三其門二曰登庸門道清門其上之樓其下之扉左右之引亭建暗門八水門二其堰一其橋五及廊之更舖二十悉與大城類其外之東西復距而出之謂之橫城其東也城上之廊四十二間五厦其門一斯南月城之制也伊北月城也城上之廊六百四十二間敵樓二十有六樓之層者十其門二曰道泰門嚴勝門其上之樓其下之扉左右之引

亭建昭門四水門二其橋一及廊之更舖十有四復與南月城類又驚而出之謂之橫城城上之廊五間一厦其門一斯北月城之制也其東畫長川以爲洫西連乎南盤別浦以爲溝悉通海鱗朝夕盈縮之波底澤鱗介并泊鰈艘北截越王之故山派西湖之爲隍若鼇之負如甌之置軒軒然翼翼然天設之府神開之地也審知名月城門曰登庸者以應郭璞沙合之識門之橋曰沙合橋其名嚴勝者云舊有嚴氏居邇于濠家鬻米取贏極薄會方憂旱太守夜夢神人告之必得如嚴者使禱太守致嚴遂得雨故以名門

王氏之爲此城也壁壘繫山樓櫓庇馬重門累塹至
于三四周回繚繞樓堞相屬豈非爲國深慮傳之亡
窮者哉然其後卒歸於吳越之錢氏錢昱有此城復
築東南夾城以益之南自光順門而西東自東武門
而北又自東武門而南凡九百餘丈高丈有六尺厚
半之石以爲基累甍覆屋開沿城河三千餘尺又增
一壯矣而又卒歸于宋旣歸宋宋乃命悉墮之云始
王氏之築城也陶磚悉令印錢文後歸錢氏蓋其兆
矣及錢昱歸宋而城墮計其爲此城又直三年而已
予讀王禹偁奏疏謂五季亂離各據城壘豆分瓜剖

七十餘年太祖太宗削平僭僞天下一家令江淮諸
郡毀城隍收兵甲撤武備者二十餘年名爲郡城蕩
若平地然則宋初江南城壁大抵皆墮撤也皇祐三
年始詔曹待制頴叔以漸開修然未有成熙寧元年
章太卿岷奏修子城旣得命會移官議者慮其費廣
程太卿師孟謂轉運使曰第得錢二十萬半歲可就
矣乃以四月始事九月卒功而外城終宋之世屢議
收復竟以不就至元末陳平章友定乃稍葺爲完城

皇朝洪武四年駙馬都尉王恭承命以來因
址築門先爲北樓曰樣樓南則因故外城廣袤方十

里高二丈一尺有奇厚一丈七尺周三千三百四十
九丈城上敵樓六十有二警舖九十有八堞樓二千
六百八十有四女牆四千八百有五表裏闕夾道嘉
靖三十八年設倭備增置外敵臺三十六環城三面
塹濠廣之延袤三千三百四十六丈有奇子城之門
七南虎節門門外還珠門東南定安門東康泰門西
豐樂門門內宜興門西南清泰門羅城之門六南利
涉門東南通津門東海晏門東北延遠門北永安門
西北安善門西南清遠門夾城之門六南寧越門東
南美化門門內水步門東北井樓門北巖勝門西北
遺愛門西迎仙門外城之門六南合沙門東南通仙
門東行春門東北湯井門船塲門西怡山門此宋時
之門也曰南門曰北門曰東門曰西門曰水部門曰
湯門曰井樓門城中水關四一在水部門東引南臺
江湖自河口繚繞凡三十有六曲繇水關入城一在
西門之南引洪塘江湖自西禪浦亦三十有六曲繇
西水關入城城中河數十丈縈迴于民居前後舟航
隨潮汐往來其在北門湯門二關則但以洩潦水此
今時之門也

巡撫都察院 在嵩山之麓嘉靖三十六年始設

巡撫開府於此其地宋尚書王祖道宅洪武初爲駙馬都尉王恭公署正統間鎮守內官居之

巡按察院 在仙塔光澤坊內舊織染局地成化間建市舶府嘉靖二十七年御史陳宗夔自南院徙居以後因之萬曆十四年御史楊四知闢門之西路而直之三十二年御史方元彥疑院署有崇移駐福清時署郡篆者遂改建于院東偏而虛其舊署

南察院 舊爲貢院地成化七年改爲察院卽御史陳宗夔所徙去者又有西察院在三山驛之右

今爲使客公館

布政使司 當三山之中後枕越山前案方山晉郡守嚴高建爲刺史衙唐爲都督府又爲觀察使衙爲威武軍衙五代梁爲大都督府僞閩僭號改作踰制宮有寶皇大明長春紫薇東華躍龍殿有文明文德九龍大黼明威門有紫宸啓聖應天東清安泰金德宋興錢氏內附廢撤無留獨明威殿存守臣避不敢居以爲設廳凡勅設宴乃就焉而卽其西建大廳爲視事之所端宗卽位于閩以設廳爲垂拱殿元爲中書省 皇朝洪武初改爲

福建等處承宣布政使司儀門之外東曰清軍道
曰分守武平道西曰督糧道曰分守福寧道經歷
司照磨所理問所架閣庫廣積庫皆在焉前有譙
樓高九十八尺深八十一尺廣二百八十尺石柱
四十四長各二十八尺廣二尺八寸拂雲造天如
凌雲之閣銖兩悉稱門直方山以爲五虎對之柱
中門從左旁門出

按察司 在布政司南少西卽宋提刑司也明道
初提刑劉立之建乾道初增置武臣淳熙中武提
刑葉南仲始建公宇分爲東西廳元爲肅政廉訪
司以東廳視事以西廳爲南臺監察分治行司

皇朝洪武二年改爲福建等處提刑按察司
十七年僉事謝肅重修建福寧道於儀門東以舊
分治行司爲察院巡按御史居之正統五年移道
於錢局移察院於西街然門尚東折天順三年按
察使胡新更大門於儀門南以舊大門前地易民
居闢東而衢成化元年按察使馬文昇復鬻民居
闢西而衢弘治以後按察使李貢夏景和陳珂劉
遜相繼經營拓其隘陋更爲閎敞而門始南向別
有提學道兵備道巡海道屯鹽道分巡福寧道

都轉運鹽使司 在布政司西卽宋西外宗正司也按宋轉運司在建州建炎二年以建寇移福州後仍舊元更置福建等處鹽課市舶都轉運使司于福星坊內舊福星館後或爲都轉運使司或爲都提舉司更改不常皇慶元年移置今所

皇朝洪武元年改爲都轉運鹽使司分司二一在水口一在黃崎鎮批驗鹽引所二一在竹崎一在閩安鎮鹽倉一在南臺閩縣時昇里宋天寧寺遺址市舶提舉司 在烏石山麓舊置泉州成化五年改建鹽使司東今爲海防督捕館

貢院 宋蓋每州皆有貢院云福州建學自景祐大比之歲例卽廟學集試諸生逡巡邸宿于外先聖釋奠亦移他所元祐五年始詔孔子廟不得試進士乃擇州治之東南公廨及隙地爲試院穹堂延廡中闢曠除後敞公堂繚以重屋爲考較舍外門之內監門巡鋪彌封謄錄之所畢具凡爲正屋百有十二區是時舉士纔三千其後寢增至五倍側肩爭門坐不容膝紹興十七年乃假漕司行臺以殺其溢然猶病隘也乾道元年郡學諸生相率以請於王叅政之望乃相其西北隅官舍易之增

爲屋百二十有七楹淳熙元年應詔者二萬人史
丞相浩講求累舉之弊乃復假簽判察推知錄司
法四廳以益之以大廳兩廊坐負城兩縣舉子而
懷安福清羅源於行衙長溪永福古田於乾道元
年所展試院連江長樂閩清寧德於新展試廳就
試是歲策問始命工鋸板分雕防泄也逐篇目限
以一紙期趣辦也其額宋初取進士二人後至八
十餘人此蓋舉福州一州以例其餘若

皇

朝貢院則八府會試矣宋郡州士子皆得入試

皇朝則先以監司選擇之乃以入試景泰以

後則專委之提學使者其入試士以三千餘人中
解額者九十萬曆四十三年增額爲九十有五其
地在城南洪武十七年布政使薛大昉所建隘不
足容士成化七年布政使朱英按察使劉敕改建
將軍山東北爲今所面嶺負山甌冶池在其下正
德十一年御史胡文靜購民居八十區闢大之更
爲正門南出萬曆五年燬六年重建

福州府 在布政司西卽宋安撫司元萬戶府洪
武二年改建二十一年火二十六年知府廖崇德
重建總捕清軍海防通判理刑經歷司照磨所司

獄司大儲庫鈔庫龍亭庫皆在焉 海防督捕館
市舶提舉司舊地也萬曆二年廢司爲之三十一
年巡撫朱運昌奏改杉洋通判兼管福寧北路海
防春秋汛畢駐此調度杉洋地方

儒學舊在布政司西北唐大曆間觀察使李椅嫌
其湫隘易城南大之始補生徒三十貞元元和間
學者益盛乾寧初王鴻於州西置義學梁龍德初
閩王審知置四門學以招徠四方之秀吳越時作
新宮號四學宋太平興國中轉運使楊克讓始作
孔子廟景祐中權州事謝微請立爲府學詔從之

後適罷去郡守范都官允許駕部宗壽踵成之設
孔子及高第十人像又繪六十子及先儒像於壁
有九經閣三禮堂黌舍齋廬舍兩序庖次井飲百
用皆給熙寧三年火郡人韓昌國劉康夫等二百
人以狀言府請自創蓋無費縣官一錢郡守程師
孟許之旣而屬縣士各請如昌國等不一月集錢
三百萬殿堂齋室畢修合百有二十間元祐八年
郡守王祖道復斥東西序之北增二十崇寧元年
舍法行始自朝廷選擇教授增養士之額益廣爲
三百五十區有御書稽古閣二養源議道駕說堂

三齋二十有八其後舍法罷尋省爲十二齋養士
二百人有先賢堂紹聖初守溫益以祀陳襄鄭穆
劉彝周希孟陳烈五先生政和中黃尚書裳復以
閩清較勘陳祥道解經以悟學者宣和中余太宰
深復以侯官劉康夫教授諸生爲多其後又以福
清鄭俠節義著聞竝圖像于學先是唐觀察常衮
配享學宮政和中柯陽爲漕自試院遷其父龍圖
述生祠于學遂竝稱爲十先生又其後王端明祖
道亦以有功於學祀焉紹興九年張丞相浚言常
公首倡儒風不可與後來者竝列乃位常公于中

益以歐陽詹與諸公列左右乾道間有言陸公祐
亦鄉先生宜祀者於是爲十三人紹興十年張丞
相浚增養士爲二百四十人乾道改元王叅政之
望定三百人爲額紹熙四年教授常濬建經史閣
于御書閣後朱熹爲記福州府學在東南爲最盛
弟子員常數百人比年以來教養無法師生相視
漠如路人以故風日衰士氣不作長老憂之而不
能有以救也紹興四年今教授臨印常君濬始至
旣日進諸生而告之以古昔聖賢教學之意又爲
之飭厨饌葺齋舖以寧其居然後謹其出入之防

嚴其試課之法朝夕其間訓誘不倦於是學者競
勸始知常君之爲吾師而常君之視諸生亦閔閔
焉惟恐其不能自勉以進於學也故常慮其無書
可讀而業將病於不廣則又爲之益置書史合舊
爲若干卷度故御書閣後更爲重屋以藏之而以
書來請記其事且致其諸生之意曰願有以教之
也予惟古之學者無他明德新民求止至善而已
夫其所明之德所止之善豈有待於外哉識其在
我而敬以存之其亦可矣其所以必曰讀書云者
則上以天地陰陽萬物之理脩身事親齊家及國

以至於平治天下之道凡與聖賢之言行古今之
得失禮樂之名數下而至於食貨之源流兵刑之
法制是亦莫非吾之度內有不可得而精粗者若
非考諸載籍之文沈潛參伍以求其故則亦無以
明夫明德體用之全而止其至善精微之極也然
自聖學不傳世之爲士者不知學之有本而惟書
之讀則其所以求於書不越乎記誦訓詁文詞之
間以釣聲名干利祿而已是以天下之書愈多而
理愈昧學者之事愈勤而心愈放詞章愈麗議論
愈高而其德業事功之實愈無以逮乎古人然非